

四庫全書

集部

欽定四庫全書

古詩紀卷一百三十六

明 馮惟訥 撰

隋第七

徐儀

東海鄆人陵之第三子少聰警任陳位尚書殿中監入隋煬帝召為學士尋除著作佐郎

暮秋望月示學士各釋愁應教

碣石寒光遠

關

秋色高長洲正下葉曲岸已飛濤君

王悵晚節延佇謁神臯復屬西園夜輕輦暫遊遨遊遨  
未云賞蒼茫孤月上枝間影合離波上光來往此夕未

央宮應照仙人掌掌高明轉淨夜深留睿想處處敞高  
扃流照滿珠庭重輪入雅曲合璧應祥經燦爛浮珠網  
參差間玉星山幽有芳桂林靜發新萸萸開布帝城分  
枝共月明斜暉漸西落彌關軫歸情驟駕且來遊聖藻  
命舒愁詢芻以蠲病參妙本難酬良史稱天閔因時命  
應劉楚王追綠兕齊后出青丘馳原落雲翼截水曳吞  
舟無勞子虛咤即事可忘憂

庾自直

賴川人仕陳歷豫章王外兵參軍記室大業初授著作佐郎解屬文於五言詩尤善特為

帝所愛宇文化及作逆  
與之北上感激發病卒

初發東都應詔

二龍承玉軸萬騎翊林塘縱觀此何事巡駕幸淮揚伊  
雒山川轉江河道路長照日秋原靜分花曲水香稻梁  
叨歲月羽翮仰恩光後塵歸舊里還如仙鶴翔

元行恭

北齊後主時為省右戶郎  
待詔文林館同撰御覽

秋遊昆明池

江總薛道衡  
皆有此詩

旅客傷羈遠樽酒慰登臨池鯨隱舊石岸菊聚新金陣

低雲色近行高鴈影深欹荷瀉圓露卧柳橫清陰衣共  
秋風冷心學古灰沈還似無人處幽蘭入雅琴

過故宅

頽城百戰後荒宅四鄰通將軍樹

一作戟

已折步兵途轉

窮吹臺有山鳥歌庭眈野蟲草深斜徑沒水盡曲池空  
林中滿明月是處來春風唯餘一廢井尚夾兩株桐

尹式

河間人博學解屬文少有令聞仁壽中官至漢王記室漢王敗式自殺

送晉熙公別

太行君失路扶搖我退飛無復紅顏在空持

一作將

白首

歸色移三代服塵化兩京衣道窮方識命事去乃知非  
西候追孫楚南津送陸機雲薄鱗逾細山高翠轉微氣  
隨流水咽淚逐斷弦揮但令寸心密隨意尺書稀

別宋常侍

遊人杜陵北送客漢川東無論去與住俱是一飄蓬秋  
鬢含霜白衰顏倚酒紅別有相思處啼烏雜夜風

劉斌

南陽人之遊之孫有詞藻官至信都司功書佐  
竇建德署為中書舍人建德敗復為劉黑闥中

書侍郎與黑闥亡

歸突厥不知所終

和謁孔子廟

一作李百樂

性與雖天縱，主世乃無由。  
何言泰山毀，空驚逝水流。  
及門思往烈，入室想前修。  
寂寞荒堦暮，摧殘古木秋。  
遺風暖如此，聊以慰蒸求。

和許給事傷牛尚書弘

名臣不世出，百工之所求。  
况乃非常器，遭逢興運秋。  
符彩照千里，銓衡綜九流。  
經綸資博物，樽俎寄皇猷。  
韶濩

傾復理典禮紊還脩雖貞棟梁任兼好藝文游佇聞和  
鼎實行當奉介丘高衢翻稅駕閱水遽遷舟傳呼更何  
日曳履聞無由歸蒐貌脩路征棹艤邗溝林薄長風慘  
江上寒雲愁夜臺終不曙遺芳徒自留

送劉員外同賦陳思王詩得好鳥鳴高枝

春林已自好時鳥復和鳴枝交難奮翼谷靜易流聲間  
關纔得性繒繳遽相驚安知背飛遠拂霧獨晨征

詠山



靈山峙千仞蔽日且差我紫蓋雲陰遠香爐煙氣多石  
梁高鳥路瀑水近天河欲知聞道里別自有仙歌

孔德紹

會稽人有清才官至景城縣丞竇建德稱  
王署為中書令專典書檄建德敗伏誅

南隱遊泉山

名山狎招隱俗外遠相求還如倒景望忽似閨風遊臨  
崖俯大壑披霧仰飛流歲積松方偃年深椿欲秋野花  
開石鏡雲葉掩山樓何須問方士此處即瀛洲

行經太華

紛吾世網暇靈岳展幽尋寥廓風塵遠杳冥川谷深山  
昏五里霧日落二華陰踈峯起蓮葉危塞隱桃林何必  
東都外此處可抽簪

夜宿荒村

綿綿夕漏深客恨轉傷心撫絃無人聽對酒時獨斟故  
鄉萬里絕窮愁百慮侵秋草思邊馬遠枝驚夜禽風度  
谷餘響月斜山半陰勞歌欲敘意終是白頭吟

王澤嶺遭洪水

地籟風聲急天津雲色愁悠然萬頃滿俄爾百川浮還  
似金堤溢翻如碧海流驚濤遙起鷺迴岸不分牛木梗  
誠無託蘆灰豈暇求徒知懷趙景終是倦陽侯思得乘  
槎便蕭然河漢遊

諸本徒知懷趙景二句在木梗  
二句前今從唐詩品彙更正

登白馬山護明寺

名岳標形勝危峯遠鬱紆成象建環極大壯闡規模層  
臺聳靈鷲高殿邇陽烏暫同遊閬苑還類入仙都三休  
開碧題

一作  
嶺

萬戶洞金鋪攝心磬前禮訪道挹中虛

一作

術  
遙瞻盡地軸長望極天隅  
白雲起梁棟丹霞映拱櫺  
露花疑濯錦泉月似沈珠  
今日桃源客相顧失歸途

送舍利宿定晉巖

仁祠表虛曠祇園展肅恭  
棲息翠微嶺登頓白雲峯  
映流看夜月臨風聽曉鐘  
澗芳十步草崖陰百丈松  
蕭然  
遙路絕無復市朝蹤

觀太常奏新樂

大君膺寶歷出豫表功成  
鈞天金石響洞庭弦管清  
八

音動繁會九變叶希聲和雲留睿賞薰風悅聖情盛烈  
光韶濩易俗邁咸英竊吹良無取率舞抃羣生

賦得涉江采芙蓉

蓮舟泛錦積極目眺江干沿流度楫易逆浪取花難有  
霧疑川廣無風見水寬朝來採摘倦詎得久盤桓

賦得華亭鶴

詩彙作賀  
激者非

華亭失侶鶴乘軒籠遂終三山凌苦霧千里激悲風心  
危白露下聲斷綵弦中何言斯物變翻復似遼東

送蔡君知入蜀二首

知一作却

金陵已去國，銅梁忽背飛。  
失路遠相送，他鄉何日歸。  
靈關九折險，蜀道二星遙。  
乘楂若有便，希泛廣陵潮。

孔紹安

大業末為監察御史入唐拜內史舍人秘書監

結客少年場行

結客佩吳鉤，橫行度隴頭。  
鴈在弓前落，雲從陣後浮。  
吳師驚燧象，燕將警奔牛。  
轉蓬飛不息，冰河結未流。  
若使二邊定，當封萬戶侯。

傷顧學士

迢遞雙嶠道超忽三川媚此中俱失路思君不可思遊  
人行變橋逝者遽焚芝憶昔江湖上同詠子衿詩何言  
陵谷徙翻驚隣笛悲陳根非席卉總帳異書帷與善成  
空說殲良信在茲今日嚴夫子哀命不良時

別徐永元秀才

金湯既失險玉石乃同焚墜葉還相覆落羽更為羣豈  
謂三秋節重傷千里分促離弦易轉幽咽水難聞欲識

相思處山川間白雲

應詔詠夭桃

結葉還臨影飛香欲徧空不意餘花落翻沈露井中

石榴

可惜庭中樹移根逐漢臣只為來時晚開花不及春

唐詩

紀事曰紹安大業末為監察御史高祖為隋討賊河東紹安監其軍深見接遇高祖受禪紹安自洛陽間行來奔拜內史舍人時夏侯端亦嘗為御史先來歸授秘書監紹安因侍宴詠石榴有祇為來時晚開花不見春之句



落葉

早秋驚落葉飄零似客心  
翻飛未肯下猶言惜故林

贈蔡君

疇昔同幽谷伊爾遷喬木  
赫奕盛青紫討論窮簡牘

岑德潤

南陽人父之敬博涉文史雅有辭筆  
德潤有父風位中軍吳興王記室

雞鳴篇

鐘響應繁霜晨雞錦臆張  
簾迥猶侵露枝高已映光  
排空下朝揭奮翼上花塲  
雨晦思君子關開脫孟嘗  
既得

依雲外安用集陳倉

賦得臨階危石

當階聳危石殊狀實難名  
帶山疑似獸侵波或類鯨  
雲峯臨棟起蓮影入簷生  
楚人終不識徒自蘊連城

詠灰

圖規暈不缺氣改律還虛  
欲然愁獄吏棄道畏刑書  
未得逢疆陣輕舉欲馬如

詠魚

劍影侵波合珠光帶水新蓮東自可戲安用上龍津

陳子良

吳人在隋未有考入唐  
為太子學士貞觀中卒

上之回

承平重遊樂詔蹕上之回屬車響流水清笳轉落梅嶺  
雲蓋道轉巖花映綬開下輦便高宴何如在瑤臺

新成安樂宮

春色照闌宮泰女旦窓中柳葉來眉上桃花落臉紅拂  
塵開扇匣卷帳却薰籠衫薄偏憎日裙輕更畏風

春晚看羣公朝還人為八韻

遊子惜春暮策杖出蒿萊正直康莊晚羣公謁帝迴履  
度南宮至車從北闕來珂影傍明月茄聲動落梅迎風  
采眊轉照日綬花開紅塵掩鶴蓋翠柳拂龍媒綺雲臨  
舞閣丹霞薄吹臺輕肥寧所羨未若反山隈

讚德上越國公楊素

君侯稱上宰命世挺才英本超騏驥足復蘊風雲情攄  
藻挾錦綺育德潤瑤瓊已踵四知舉非無三傑名濟世

同舟楫匡政本阿衡雍容入青璫肅穆侍丹楹桂宮擅  
鳴珮槐路獨飛纓高門羅虎戟綺閣麗彫甍金罇酌湛  
湛歌扇掩盈盈匈奴軼燕薊烽火照幽并天子命薄伐  
受脤事專征七德播雄畧十萬騁行兵鴈行蔽虜甸魚  
貫出長城交河方飲馬瀚海盛揚旌拔劍倚天外象犀  
輝日精鸞弧穿伏石揮戈斬大鯨鼓輦朝作氣刁斗夜  
偏鳴六郡多壯士三邊豈足平嶺雲朝合陣山月夜臨  
營胡塵暗馬色芳樹動笳聲關雲未盡散塞霧常自生

川長蔓草綠峯迴雜花明  
小人愧王氏雕文慙馬卿  
濫此叨書記何以謝過榮  
高山徒仰止終是恨才輕

觀此知子

良嘗為越公掌書記

### 夏晚尋于政世置酒賦韻

聊從嘉邈所酌醴共抽簪  
以茲山水地留連風月心  
長榆落照盡高柳暮蟬吟  
一返桃源路別後難追尋

### 入蜀秋夜宿江渚

我行逢日暮弭棹獨維舟  
水霧一邊起風林兩岸秋  
山

陰黑斷磧月影素寒流故鄉千

一作萬

里外何以慰羈愁

賦得妓

金谷多歡宴佳麗正芳菲流霞席上滿迴雪掌中飛

月臨歌扇行雲接舞衣何必桃將李別有待

一作代

春暉

送別

落葉聚還散征禽去不歸以我窮途泣沾君出塞衣

七夕省新婦隔巷停車

此及下首初學記作陳子良玉臺新詠作陳伯

材

隔巷遙停幘非復為來遲只言更尚淺未是渡河時

詠春雪

光映妝樓月花承歌扇風欲妬梅將柳故落早春中

於塞北春日思歸

亦是七  
言律體

我家吳會青山遠他鄉關塞白雲深為許羈愁長下淚  
那堪春色更傷心驚鳥屢飛恒失侶落花一去不歸林  
如何此日嗟遲暮悲來還作白頭吟

陳良



遊俠篇

英華作俠客行詩  
柔并入陳子良

洛陽麗春色遊俠騁輕肥水逐車輪轉塵隨馬足飛雲  
影遙臨蓋花氣近薰衣東郊鬪雞罷南皮射雉歸日暮  
河橋上揚鞭惜晚暉

庾抱

仕隋為元德太子學士唐高祖起兵太子封隴  
西公以抱為記室文檄皆出其手俄為東宮學

士貞觀初  
徙趙王友

驄馬

樞上浮雲驄本出吳門中發迹來東道長鳴起北風迴

鞍拂柱白赭汗類塵紅滅沒徒留影無因圖漢宮

卧痾喜霽開扉望月簡宮內知友

秋雨移弦望痾倦苦辛忽對荆山璧委照越吟人高  
高侵地鏡皎皎徹天津色麗班姬篋光潤洛川神輪輝  
池上動桂影隙中新懷賢雖不見忽似暫參辰

別蔡參軍

人世多飄忽溝水易西東今日歡娛盡何年風月同悲  
生萬里外恨起一杯中性靈如未失南北有征鴻

賦得胥臺露

胥臺既落構荆棘稍侵扉棟折連雲影梁摧照日暉翔  
鷲遂不反巢燕反無歸唯有團階露承曉共沾衣

和樂記室憶江水

遙想觀濤處猶憶採蓮歌無因關塞葉共下洞庭波

袁朗

雍州長安人在陳為秘書郎累遷太子洗馬德  
教殿學士入隋歷尚書儀曹郎後入唐轉給事

中

和洗掾登城南坂望京邑

二華連陌塞九隴統金方奧區稱富貴重險擅雄強龍  
飛灞水上鳳集岐山陽神臯多瑞迹列代有興王我后  
膺靈命爰求宅茲土宸居法太微建國資天府玄風隔  
黎庶德澤浸區宇醒醉各相扶謳歌從聖主南登少陵  
岸還望帝城中帝城何鬱鬱佳氣迺葱葱金鳳凌綺觀  
璇題敞蘭宮複道東西合交衢南北通萬國朝前殿羣  
公議宣室鳴珮舍早風華蟬曜朝日柏梁宴初罷千鍾  
歡未畢端拱肅巖廊思賢聽琴瑟逶迤萬雉列隱軫千

閣布飛甍夾御溝，曲臺臨上路。處處歌鐘鳴，喧闐車馬度。日落長楸間，含情兩相顧。是月冬之季，陰寒晝不開。驚風四面集，飛雪千里迴。狐白登廊廟，牛衣出草萊。詎知韓長孺，無復重然灰。

秋日應詔

玉樹涼風舉，金塘細柳萎。葉落商飈觀，鴻歸明月池。迎寒柱酒熟，含露菊花垂。一奉章臺宴，千秋長願斯。

秋夜獨坐

律祖作邢  
劭者非

危弦斷客心虛彈落驚禽  
新秋百慮淨獨夜九愁深  
枯蓬唯逐吹墜葉不歸林  
如何悲此曲坐作白頭吟

崔信明

青州益都人彊記美文章隋大業中為堯城令竇建德僭號招之不屈去隱太行山唐貞

觀六年詔拜興勢丞遷秦川令

送金敬陵入蜀

敬疑作竟

金門去蜀道玉壘望長安  
豈言千里遠方尋九折難  
西上君飛蓋東歸我挂冠  
猿聲出峽斷月彩落江寒  
從今與君別花月幾新殘

明餘慶

平原高人克讓之子官至司門郎越王侗稱制為國子祭酒

從軍行

外編作塞上

三邊烽亂驚十萬且橫行風卷常山陣笳喧細柳營劍  
花寒不落弓月曉逾明會取淮南

一作河西地持作朔方城

詠死鳥

暮空長罷噪箭惡不知驚賴餘琴裏曲猶有夜啼聲

柳莊

字思敬河東解人事梁主嘗及歸琮累遷太府卿梁廢入隋授開府儀同除給事黃門侍郎莊

明習舊章雅達政事為時所重○樂府作陳人

劉生

座驚稱字孟豪雄道姓劉廣陌通朱邸大路起青樓要  
賢驛已置留賓轄且投光斜日下霧庭陰月上鈎

杜公瞻

博陵曲陽人少好學有家風卒於安陽令初學記作松公瞻字之誤也文苑英華可據

詠同心芙蓉

灼灼荷花瑞亭亭出水中一莖孤引綠雙影共分紅色  
奪歌人臉香亂舞衣風名蓮自可念况復兩心同

杜之松

公瞻之子大業中為起居舍人唐貞觀中為河中刺史



敬和衛尉于御詠柳

漢將本屯營，遼河有戍城。大夫曾取姓，先生會得名。高  
枝拂遠鴈，踈影度遙星。不辭攀折苦，為入管絃聲。

王衡

太原晉陽人。父操，後梁時為尚書令。有七子，衡最知名。位中書黃門侍郎。

翫雪

寒庭浮暮雪，疑從千里來。皎潔隨處滿，流亂逐風迴。壁  
臺如始構，瓊樹似新栽。不待陽春節，誰持一作將競落梅。

宿郊外曉作

梁詞人麗句

殘星落簷外餘月罷窻東水白先分色霞暗未成紅

薛德音

薛收弟收與弟德音元敬齊名世號河東三鳳

悼亡

鳳樓簫曲斷桂帳瑟弦空畫梁纔照日銀燭已隨風苔生履迹處花沒鏡塵中唯餘長簾月永夜向朦朧

李密

字元邃隴西成紀人以蔭為煬帝東宮千牛備身楊玄感反遣人迎密密為之籌策為隋軍所

獲乃夜亡去變姓名為劉智遠後歸東郡賊翟讓讓推為主建號魏公僭位於鞏南與唐戰師潰歸

高祖拜光祿卿封邢國公後復謀叛為盛彥師所誅

淮陽感秋

劉仁軌河洛記曰密來往諸賊帥之間  
說以舉大計莫肯從者因作詩言志

金風颺初節玉露凋晚林  
此夕窮途士鬱陶傷寸心  
眺聽良多感徙倚獨沾襟  
沾襟何所為悵然懷古意  
秦俗猶未平漢道將何冀  
樊噲市井屠蕭何刀筆吏  
一朝時運合萬古傳名諡  
寄言世上雄虛生真可愧

古詩紀卷一百三十六

欽定四庫全書

集部

古詩紀卷一百三十九

詳校官檢討臣德生

侍讀臣孫球覆勘

總校官知縣臣楊懋珩

校對官編修臣吳裕德

騰錄監生臣何如連

欽定四庫全書

古詩紀卷一百三十七

明 馮惟訥 撰

隋第八

李巨仁

以下爵里無考

釣竿篇

潺湲面江海，混濛波瀾。不惜黃金餌，唯憐翡翠竿。斜  
綸控急水，定檝下飛湍。潭迴風來易，川長霧歇難。寄言  
朝市客，滄浪余自安。

京洛篇

京洛類神仙，靄靄却雲煙。漸臺臨太液，玉樹並甘泉。  
喧平樂外騎，擁濯龍前。競結蕭朱綬，爭攀李郭船。獨悲  
韓長孺，死灰猶未然。

登名山篇

樂府失載，名氏在梁武帝後。詩彙作武帝詩，誤也。考文苑英華作李巨仁。

名山稱地鎮，千仞上凌霄。雲開金闕迴，霧起石梁遙。翠  
微橫鳥路，珠澗入星橋。風急青溪晚，霞散赤城朝。寓目  
幽棲地，駕言追綺季。避世桃源士，忘情漆園吏。抽簪傲

九辟脫屣輕千駟沈冥負俗心蕭灑凌雲意蒼蒼聳極  
天伏眺盡山川疊峯如積浪分崖若斷煙淺深聞度雨  
輕重聽飛泉採藥逢三島尋真值九仙藏書凡幾代者  
博已經年逝將追羽客千載一來旋

賦得方塘含白水

劉公幹雜詩方塘含  
白水中有鳧與鴈

白水溢方塘淼淼素波揚疊浪輕鳧影連漪寫鴈行長  
堤柳色翠夾岸行花黃觀魚自有樂何必在濠梁

賦得鏡

魏公知本姓秦樓識舊名鳳從臺上出龍就匣中生無  
波菱自動不夜月恒明非唯照佳麗復得厭山精

弘執恭

劉生

英名振關右雄氣逸江東遊俠五都內去來三秦中劍  
照七星影馬控千金驄縱橫方未息因茲定武功

奉和出潁至淮應令



睿情欣逸賞臨泛入淮淝棹聲喧岸度颿影出雲飛清  
流含日彩犇浪蕩霞暉還如渾水曲鳴笳啓路歸

和平涼公觀趙郡王妓

小堂羅薦陳妙妓命燕秦蛾眉疑假黛紅臉自含春合  
舞俱迴雪分歌共落塵齊竽不可廁空願上龍津

秋池一株蓮

秋至皆空一作虛落凌波獨吐紅託根方得所未肯即從

風

下賦

和孔侍郎觀太常新奏樂

昔人夢上帝尚喜頌鈞天况茲開景業作樂武功宣大  
雅廢還理乘風毀更懸中和誠易擬韶夏詎相延捷為  
一作磬響徹嶰谷管聲傳小臣濫清耳長奏南風弦

王由禮

徐伯揚傳伯揚大建初與中記室李爽記室張正見左戶郎賀徹學士阮卓黃門郎蕭銓

三公郎王由禮處士馬樞記室祖孫登  
比部郎賀循長史劉剛等為文會友

驄馬

善馬金羈飾躡影復凌空影入長城水聲隨胡地風  
鞞歛青門外珂喧紫陌中行行苦不倦唯當御史驄

賦得馬援

二帝已馳聲五溪還總兵受詔金鞍動論功銅馬成  
唯稱聚米勢無慙蒼意以情雖謝雲臺影猶傳千載名

賦得巖穴無結構

左太冲招隱詩岩穴  
無結構丘中有鳴琴

岩間無結構谷處極幽尋葉落秋巢迴雲生石路深  
早

梅香野徑清澗響丘琴獨有棲遲客留連芳杜心

賦得高柳鳴蟬

園柳吟涼久嘶蟬應序驚露下綏恒濕風高翅轉輕葉  
踈飛更迴秋深響自清何言枝裡翳遂入蔡琴聲

魯范

神仙篇

王遠尋仙至欒巴訪術迴乘空向紫府控鶴下蓬萊霜  
分白鹿駕日映流霞杯煎金丹未熟醒酒藥初開乍應

觀海變誰肯畏年頽

送別

英華作  
魯範

去留雖有異失路與君同何如拔心草還逐斷根蓬

殷英童

採蓮曲

蕩舟無數伴解纜自相催汗粉無庸拭風裙隨意開棹  
移浮行亂船進倚倚來藕絲牽作縷蓮葉捧成杯

胡師耽

登終南山擬古

拾遺作李  
德林者非

結廬終南西北望帝京煙霞亂鳥道劣見長安城宮  
雉互相映雙闕雲間生鐘鼓沸閭闔笙管咽承明朱閣  
臨槐路紫蓋飛縱橫望望未極已甕牖秋風驚崑崙草  
木黃飛鴈遺寒聲墜葉積幽徑繁露垂荒庭甕中酒新  
熟澗谷寒蟲鳴且對一壺酒安知世間名寄言朝市客  
同君樂太平

陳政

一作正

贈竇蔡二記室入蜀

崑山積良寶大厦構衆材馬卿委官去鄒子背淮來風  
流信多美朝夕豫平臺逸翮獨不羣清才復道上六輔

昔推名二江今振嚮

響通

英華雖外發磨琢終內朗四海

奮羽儀清風久播馳

疑闕

沉鬱材難厠青山翻易阻回首

望煙霞誰知慕儔侶飄然不繫舟為情自可求若奉西

園夜浩想北園

一作白雲

愁無因逐萍藻從爾泛清流

周若水

答江學士協

弱齡愛丘壑與予並忘歸開襟對泉石攜手翫芳菲  
忽聞朝市變斯樂眇難追意氣酒中改容顏鏡裏衰  
祁寒傷暮節落景促餘暉野曠蓬常轉林遙鳥倦飛  
故友輕金玉萬里嗣音微鄉關不可望客淚徒霑衣

薛昉

巢王座韻得餘詩

平臺愛賓客縫掖齒簪裾藉卉懷春暮開襟近夏初  
嫩



枝猶露鳥細藻欲藏魚舞袖臨飛閣歌聲出綺疎莫慮  
歸衢晚馳輪待興餘

劉端

和初春宴東堂應令

睿賞叶春芳開筵臨畫堂庭梅飄早素簷柳變初黃八  
珍羅玉俎九醞湛金觴箏響流飛閣歌塵落妓行何必  
西園夜空承明月光

段君彥

過故鄴

玉馬芝蘭北金鳳鼓山東舊國千門廢荒壘四郊通深  
潭直有菊酒井半生桐粉落粧樓毀塵飛歌殿空雖臨  
玄武觀不識紫微宮年代俄成昔唯餘風月同

李那

奉和重適陽關

銜悲向玉關垂淚上瑤臺舞閣懸新綢歌梁積故埃紫  
庭生綠草丹墀染碧苔金扉晝常掩珠簾夜暗開方池

含水思芳樹結風哀行雨歸將絕朝雲去不迴獨有西陵上松聲薄暮來

呂讓

和入

俘囚經萬里憔悴度三春髮改河陽鬢衣餘京洛塵鍾儀悲去楚隨會泣留秦既謝平吳利終成失路人

沈君道

侍皇太子宴應令

副君監撫暇禁苑暫停車水落金沙淺雲高玉葉踈隨  
厨白羽駕逐釣紫鱗魚飽德良無已榮陪終宴餘

魯本

與胡師耽同繫胡州出被刑獄中

叔夜弦初絕韓安灰未然相悲不相見幽繫與幽泉

劉夢予

送別秦王學士江益

南史江總長子益仕陳歷  
中書黃門侍郎入隋為秦

王文

學

百年風月意一旦死生分  
客心還送客悲我復悲君

陸季覽

詠桐

搖落依空井生死尚餘心  
不辭先入爨惟恨少知音

鄭蜀賓

別詩

詩話  
總龜

隋長壽年中有鄭州鄭蜀賓風流名士頗善五言  
蹉跎鄉閭不求聞達岳桂冠選授江左一尉臨去  
蜀友祖餞至上東門留別云云酒酣自詠聲  
調哀感合坐嗚咽卒於官時人比之劉庭芝

畏途方萬里生涯近百年不知將白首何處入黃泉

按蜀

賓唐武后時人長壽亦武后  
年號馮公誤加隋字收此

王謨

東海懸崖題詩

詩話  
總龜

海州東海縣臨海懸崖上有  
隋王謨磨崖題名并詩云

因巡來到此矚海看波流自茲一度往何日更迴眸

乙支文德

高麗  
人

遺于仲文

隋書曰于仲文從煬帝征遼東高麗出兵掩襲輜  
重仲文迴擊大破之至鴨綠水高麗將乙支文德  
詐降仲文捨之既去尋悔選騎  
追之每戰破賊文德貽詩曰

神策究天文妙算窮地理戰勝功既高知足願云已

古詩紀卷一百三十七



欽定四庫全書

古詩紀卷一百三十八

明 馮惟訥 撰

隋第九

僧法宣

縮高僧傳云常州弘業寺沙門法宣本隋人後入唐

愛妾換馬

朱鬣飾金鑣紅粧束素腰似雲來蹀躞如雪去飄飄桃  
花含淺汗柳葉帶餘嬌騁先將獨立雙絕不玉臺俱標

和趙郡王觀妓應教

律祖作辛德源若非

桂山留上客蘭室命媮妖城中畫眉黛宮內束纖腰舞  
袖風前舉歌聲扇後嬌周郎不相顧今日管弦調

釋慧淨

俗姓房氏常山真定人著名於開皇大業之間後入唐

和琳法師初春法集之作

鷲嶺光前選祇園表昔恭哲人崇踵武弘道會羣龍高  
座登蓮葉塵尾振霜松塵飛揚雅梵風度引踈鐘靜言  
澄義海叢論上詞鋒心虛道易合迹廣席難重和風動  
淑氣麗日啓時雍高才揆雅什顧已濫朋從因茲仰積

善靈華庶可逢

和盧贊府遊紀國道場

日光通漢室星彩晦周朝  
法域從此構香閣本岩堯珠  
盤仰承露剝鳳俯摩霄  
落照侵虛牖長虹拖跨橋  
高才暫騁日雲藻遂飄颻  
欲追千里驥終是謝連鑣

於冬日普光寺卧疾值雪簡諸舊遊

卧痾苦留滯闕戶望遙天  
寒雲舒復卷落雪斷還連  
凝華照書閣飛素婉琴弦  
迴飄洛神賦皎映齊紈  
篇縈階

如鶴舞拂樹似花鮮徒賞豐年瑞沉憂終自憐

英才言聚賦得昇天行

馭風過閬苑控鶴下瀛洲欲採三芝秀先從千仞遊  
駕鳳吟虛管乘槎泛淺流顏齡一已駐方驗大椿秋

雜言

觀化祇山頂流睇古王城萬載池猶潔千年苑尚清  
髣髴影堅路擢殘廣脇楹七寶仙臺亡舊迹四彩天花絕  
雨聲聲華日以遠自恨生何晚既傷火宅眩中門還嗟

寶渚迷長坂步陟平郊望心遊七海上擾擾三界溺邪  
津渾渾萬品忘真匠唯有能仁獨圓悟廓塵靜浪開玄  
路創逢肌命棄身城更為求人崩意樹持囊畢契戒珠  
淨被甲要心忍衣固三祇不倦陵二車一足忘勞超九  
數定激江清沐久結智劍霜凝斬新霧無邊大劫無不  
修六時愍生遵六度度有流光功德收金河示滅歸常  
住鶴林權唱演功周聖德佳音傳餘響龍宮秘典海中  
探石室真言山處仰流教在茲辰傳芳代有人沙河雪

嶺迷朝徑巨海鴻崖亂夜津入萬死求一生投針偶穴  
非同喻束馬懸車豈等程不徇今身樂無祈後代榮誓  
舍危軀追勝義滅希畢契傳燈情勞歌勿復陳延眺且  
周巡東睇女戀留二迹西馳鹿苑去三輪北眺舍城池  
尚在南睇尊嶺穴猶存五峯秀百池分粲粲鮮花明四  
曜輝輝道樹鏡三春揚錫指山阿携步上祇陀既覩如  
來疊衣石復觀天授迸餘峨佇靈鎮梵嶽凝思遍生河  
金花逸掌儀前奉芳蓋陵虛殿後過旋遶經行砌目想

如神契廻斯少福澗生津共會龍華捨塵翳

釋智炫

益州成都人少出家入京聽學遊于周齊之間周武帝接遇甚厚及隋文作相大弘佛法

兩都歸趨一人而已後還蜀隱于三學山年百餘歲終

### 遊三學山

秀嶺接重煙欽岑上半天絕巖低更舉危峯斷復連側  
石傾斜澗回流瀉曲泉野紅知草凍春來鳥自傳樹錦  
無機織猿鳴詎假弦葉密風難度枝踈影易穿抱袞依  
閒沼策杖戲荒田遊心清漢表置想白雲邊榮名非我

願息意且蕭然

釋曇遷

見禪藻集

緇素知友祖道新林去留哀感賦詩一首

平生本胡越閩吳各異津  
聯翩一傾蓋便作法城親  
清談解煩累愁眉始得伸  
今朝忽分手恨失眼中人  
子向徑何道慧業日當新  
我住邦江側終為松下塵  
沉浮從此隔無復更有因  
此別終天別迸淚忽霑巾

釋玄達

見禪藻集



言離廣府還望桂林去留愴然自述贈懷

標心之梵宇運想入仙洲  
嬰痼乖同好沈情阻若抽  
葉落乍難聚情離不可收  
何日乘杯至詳觀演去流

戲擬四愁聊題兩絕

我行之數萬愁緒百重思  
那教六尺影獨步五天垂

二

上將可陵師匹士志難移  
如論惜短命何得滿長祗

釋靈裕

俗姓趙定州曲陽人有道行甚為齊文宣隋文帝之所尊禮而清貞潔已屢謝時榮初居

相州大慈寺末又住  
演空寺大業元年終

臨終詩二首

續高僧傳曰於時鄴下昌言裕師將過世矣道俗雲合同稟歸戒訪傳音之無從裕亦信福命之有盡乃示誨善惡勵諸門人從覺不念至第七日援筆製詩二首

哀速終

今日坐高堂明朝卧長棘  
一生聊已竟來報將何息

悲永殯

命斷辭人路骸送鬼門前  
從今一別後更會幾何年

釋智命

俗名鄭頌，滎陽人。初仕隋，為羽騎尉。逃官流，俗備歷講會及元德，作貳楊素薦之，遷為中

舍人。越王即位，歷官御史大夫。偽鄭開明，連任不改。頌見四方多事，頻請鄭主為國修道，不遂。乃剃髮，法服，擊錫徑至宮門。云：鄭頌輒已出家。世充怒，勅下斬之。頌聞喜曰：吾願滿矣。臨刑，遍禮十方口。

詠般若索  
筆題詩云

臨終詩

幻生還幻滅，大幻莫過身。安心自有處，求人無有人。

釋智才

送別

鏡中辭舊識，灞岸別新知。年來本應老，祇為數經離。

曇延

戲題方圓動靜四字

薛居士訪戲題方圓動靜四字曇延應聲曰

方如方等，城圓如智慧。日動則識，波浪靜類涅槃客。

沸犬

見禪藻集

媯泐曲

沸大作此曲彈琴以兆史見也

煌煌鬱金生，千野田過時不採。宛見棄捐曼爾，豈豈熾華。

色惟新與我同歡

委靡辭

宿心嘉爾故固良媒問名諧帥占相良時慘慘惕惕懼  
爾不來既覩爾顏我心怡怡今不合歡豈徒費哉斯誓  
為定淑女何疑

釋慧輪

新羅人

悼歎

衆美乃羅列羣英已古今也知生死分那得不傷心

釋慧英

一三五七九言

遊愁赤縣遠  
毋思抽鷲嶺  
寒風駛龍河  
激水流既喜  
朝聞日復日  
不覺年頽秋  
更秋已畢者  
山本願誠難  
任終望持經  
振錫往神州

無名釋

生忍頌

禪藻集作  
無名氏

玄亮吐清氣  
神響徹幽聾  
登基發春詠  
高興希避蹤  
乘

虛感靈覺魚山振思童摹寫天歌梵眞布法音同忘高  
故不下颯颯數仞中比丘歌聲咀人畜振心鍾斯由暢

玄句即感寫遊空神期發荃悟豁爾得靈通

法苑珠林  
曰陳思王

曹植幼合珪璋每誦佛經流連嗟玩常遊魚山忽聆空中梵天之響清雅哀婉乃摹其聲節寫為梵唄世之諷誦咸憲章焉此誦所謂魚山振思童也

順益頌

禪藻集云  
釋無名

駉驥資鞭策蘭蕙佇薰風至理信難見非人孰可通輸  
心仰圓極瑩麗入玄中總轡超三有搏飛上四空簪纓

猶幻夢財利若塵蒙高揖謝時俗瀟灑出樊籠

禪暇

禪藻集作  
無名釋

我我王舍城鬱鬱靈竹園中有神化長巧誘入幽玄善  
人募授福惡友樂讐怨善惡升沉異薰猶別露門

侯夫人

煬帝  
宮女

自傷

迷樓記曰煬帝建迷樓選後宮女數千以居其中  
由是後宮多不得進御宮女侯夫人有美色一日  
縊於棟下臂繫囊囊中有文左右取  
以進帝覽其詩反覆傷感厚禮葬之



初入承明日深深報未央長門七八載無復見君王春  
寒入骨清獨卧愁空房颯履步庭下幽懷空感傷平日  
親愛惜自待却非常色美反成棄命薄何可量君恩實  
踈遠妾意徒彷徨家豈無骨肉偏親老北堂此身無羽  
翼何計出高牆性命誠所重棄割良可傷懸帛朱棟上  
肝腸如沸湯引頸又自惜有若絲牽腸毅然就地死從  
此歸冥鄉

妝成

妝成多自惜夢好却成悲不及楊花春意春來到處飛

自遣

祕洞高仙卉雕房鎖玉人毛君真可戮不肯寫昭君

自感三首

庭絕玉輦迹芳草漸成窠隱隱聞簫鼓君恩何處多  
欲泣不成淚悲來翻強歌庭花方爛漫無計奈春何  
春陰正無際獨步意如何不及閒花草翻承雨露多

看梅二首

砌雪無消日捲簾時自顰庭梅對我有憐意先露枝頭  
一點春

香清寒艷好誰惜是天真玉梅謝後陽和至散與羣芳  
自在春

吳絳仙

煬帝  
宮女

### 謝賜合歡果

隋遺錄曰殿脚女自至廣陵悉用備月觀行宮由  
是絳仙不得親侍寢殿有郎將獻合歡水果一器  
帝命小黃門以一雙騎馳賜絳仙遇馬急搖解絳  
仙拜賜因附紅箋小簡上進詩云云帝省章不悅

顧黃門曰絳仙如何來辭何怨之深也黃門言其  
故帝曰絳仙不獨貌可觀詩意深切何謝左貴嬪  
乎

驛騎馳雙果君王寵念深寧知辭帝里無復合歡心

大義公主

書屏風

盛衰等朝露世道若浮萍榮華實難守池臺終自平富  
貴今何在空事寫丹青杯酒恒無樂弦歌詎有聲余本  
皇家子飄流入虜庭一朝覩成敗懷抱忽縱橫古來共

如此非我獨申名惟有明君曲偏傷遠嫁情

丁六娘

十索四首

樂苑曰十索  
羽調曲也

裙裁孔雀羅紅綠相參對映以蛟龍錦分明奇可愛麤  
細君自知從郎索衣帶

為性愛風光偏憎良夜促曼眼腕中嬌相看無厭足懽  
情不耐眠從郎索花燭

君言花勝人人今去花近寄語落花風莫吹花落盡欲  
作勝花妝從郎索紅粉

二八好容顏非意得相關逢桑欲採折尋枝倒懶攀欲  
呈纖纖手從郎索指環

同前二首

樂府作無名氏選詩  
拾遺併作丁六娘

含嬌不自轉送眼勞相望無那關情伴共入同心帳欲  
防人眼多從郎索錦障

蘭房下翠帷蓮帳舒鴛錦懽情宜早暢密意須同寢欲

共作纏綿從郎索花枕

李月素

贈情人

感郎千金意含嬌抱郎宿試作帷中音羞開燈前目

羅愛愛

閨思

幾當孤月夜遙望七香車羅帶因腰緩金釵逐鬢斜

秦玉鸞

憶情人

蘭幕蟲聲切  
椒庭月影斜  
可憐秦館女  
不及洛陽花

蘇蟬翼

因故人歸作

郎去何太速  
郎來何太遲  
欲借一尊酒  
共敘十年悲

張碧蘭

寄阮郎

郎如洛陽花  
妾似武昌柳  
兩地惜春風  
何時一攜手





古詩紀卷一百三十八

欽定四庫全書

古詩紀卷一百三十九

明 馮惟訥 撰

隋第十

郊廟歌辭

圜丘歌八首

隋書樂志曰文帝開皇中詔牛弘姚察許善心虞世基劉臻等詳定雅樂弘等奏曰伏奉明詔詳定雅樂博訪知音旁求儒彥研校是非定其去就取為一代正樂具在本司於是并撰歌辭三十首詔并令施行牛弘傳曰開皇九年奉詔改定雅樂又作樂府歌辭撰定圜丘五帝凱樂按此則諸歌辭

當為牛弘

所作也

昭夏 降神

肅祭典協良辰具嘉薦俟皇臻禮方成樂已變感靈心  
迴天睠闕華闕下乾宮乘精氣御祥風望燿火通田燭  
膺介圭受瑄玉神之臨慶陰陽煙衢洞宸路深善既福  
德斯輔流鴻祚徧區宇

皇夏

皇帝  
升壇

於穆我后昭明有融道濟區域功格玄穹百神警衛萬

國承風仁深德厚信洽義豐明發思政勤憂在躬鴻基  
惟永福祚長隆

登歌

德深禮大道高饗穆就陽斯恭陟配斯肅血膺升氣冕  
裘標服誠感清玄信陳史祝祇承靈貺載膺多福

誠夏

皇帝  
初獻

肇禋崇祀式奉

一作  
大報

尊靈因高盡

一作  
就

敬掃地推誠六

宗隨兆五緯陪營雲和發韻孤竹揚聲

一作  
清

我粢既潔

我酌惟明元神是鑒百祿來成

文舞

皇帝既  
獻奏

皇矣上帝受命自天睿圖作極文教遐宣四方監觀萬  
國陶甄有苗斯格無得稱焉天地之經和樂具舉休徵  
咸萃要荒式序正位履端秋霜春雨

需夏

皇帝飲  
福酒

禮以恭事薦以饗時載清玄酒備絜蕝其迴疏分爵思  
媚軒墀惠均徹俎祥降受釐十倫以具百福斯滋克昌

厥德永祚鴻基

武舞

御歷膺期乘乾表則成功戡亂順時經國兵暢五材武  
弘七德憬彼遐裔化行充塞三道備舉二儀交泰情發  
自中義均莫大祀敬恭肅鍾鼓繁會萬國斯歡兆民斯  
賴享茲介福康哉元首惠我無疆天長地久

昭夏送神

享序洽祀禮施神之駕儼將馳奔精驅長離耀牲煙達

絜誠照騰日馭鼓電鞭辭下土升上玄瞻寥廓香無際  
憺羣心留餘惠

五郊歌五首

隋書樂志曰五郊歌辭青郊奏角音赤郊奏徵音  
黃郊奏宮音白郊奏商音黑郊奏羽音迎送神登

歌與園  
立同

青帝歌角音

震宮初動木德惟仁龍精戒旦鳥曆司春陽光煦物溫  
風先道尊巖處載驚膏田已冒犧牲豐絜金石和聲懷柔



備禮明德惟馨

赤帝歌徵音

長嬴開序炎上為德執禮司萌持衡御國重離得位芒  
種在時含櫻薦實木槿垂蕤慶賞既行高明可處順時  
立祭事昭福舉

黃帝歌宮音

爰稼作土順位稱坤孕金成德履艮為尊黃本內色宮  
實聲始萬物資生四時咸紀靈壇汎掃盛樂高張威儀

孔備福履無疆

白帝歌商音

西成肇節盛德在秋三農稍已九穀行收金氣肅殺商  
威颶戾嚴風鼓莖繁霜隕蒂厲兵詰暴救法慎刑明神  
降嘏國步惟寧

黑帝歌羽音

玄英啓候冥陵初起虹藏於天雉化於水嚴關重閉星  
迴日窮黃鍾動律廣莫生風玄樽示本天產惟質恩覃

外區福流京

隋書室  
作景室

感帝歌

隋書樂志曰祀感帝奏誠  
夏迎送神登歌與園立同

誠夏

禘祖垂典郊天有章以春之孟於國之陽  
萌粟惟誠陶匏斯尚人天接禮明幽交暢  
火靈降祚火厯載隆烝哉帝道赫矣皇風

雩祭歌

隋書樂志曰雩祭蜡祭朝日夕月並  
奏誠夏其迎送神登歌並與園丘同

誠夏

朱明啓候時載陽肅若舊典延五方嘉薦以陳盛樂奏  
氣序和平資靈佑公田既雨私亦濡民殷俗富政化敷

蜡祭歌

誠夏

四方有祀八蜡酬功收藏既畢榛葛送終使之必報祭  
之斯索三時告勞一日為澤神祇必來鱗羽咸致惟義

之盡惟仁之至年成物阜罷役息民皇恩已洽靈慶無  
垠

朝日夕月歌二首

朝日誠夏

扶木上朝暎崑山沈暮景寒來遊晷促暑至馳輝永時  
和合璧耀俗泰重輪明執圭盡昭事服冕罄虔誠

夕月誠夏

澄輝燭地域流耀鏡天儀歷草隨弦長珠胎逐望虧成

形表蟾兔竊藥資王母西郊禮既成幽壇福惟厚

方丘歌四首

隋書樂志曰祭方丘唯此四者其餘並同園立

昭夏

迎神

柔功暢陰德昭陳瘞典盛玄郊篚霽清管鬯馥皇情虔  
具察肅笙頌合鼓鼗會出桂旌屯虬蓋敬如在肅有承  
神胥樂慶福膺

登歌

奠玉帛

道惟生育器乃包藏報功稱範殷薦有常六瑚已饋五  
齊流香貴誠尚質敬洽義章神祚惟永帝業增昌

誠夏

初獻

厚載垂德崑丘主神陰壇吉禮北至良辰鑿水呈絜牲  
栗表純樽壺夕啓幣玉朝陳羣望咸秩精靈畢臻祚流  
于國祉被于人

昭夏

奠既徹獻已周竦靈駕逝遠遊洞四極市九縣慶方流

社恒遍埋玉氣掩牲芳晰神理顯國文

### 神州歌

隋書樂志曰祭神州奏社稷先農並  
奏誠夏其迎送神登歌並與方立同

### 誠夏

四海之內一和之壤地曰神州物賴生長咸池既降泰  
圻斯饗牲牲尚黑珪玉實兩九寓載寧神功克廣

### 社稷歌四首

### 春祈社誠夏



厚地開靈方壇崇祀達以風露樹之松梓勾萌既甲芟  
柞伊始恭祈粢盛載膺休祉

春祈稷誠夏

粒食興教播厥有先尊神致絜報本惟虔瞻榆束耒望  
杏開田方憑戲福佇詠豐年

秋報社誠夏

北墉申禮單出表誠豐穰入薦華樂在庭原隰既平泉  
流又清如雲已望高廩斯盈



秋報稷誠夏

民天務急農亦勤止或菘或蕪惟糜惟芑涼風戒時歲  
云秋矣物成則報功施必祀

先農歌

誠夏

農祥晨晰土膏初起春原俶載青壇致祀歛蹕長阡迴  
旌外遺房俎飾薦山蠶沈淳親事朱紘躬持黛耜恭神  
務穡受禧降祉

先聖先師歌

誠夏

經國立訓學重教先三墳肇冊五典留篇開鑿理著陶  
鑄功宣東膠西序春誦夏弦芳塵載仰祀典無騫

太廟樂歌九首

迎神歌

務本興教尊神體國霜露感心享祀陳則官聯式序奔  
走在庭几筵結幕裸獻惟誠嘉樂載合神其降止永言

保之錫以繁祉

登歌

孝熙嚴祖師象敬宗惟皇肅肅有來雍雍雕梁霞複繡  
椽雲重觀聽自感奉璋伊恭彝竚畫飾羽綴有容升歌  
發藻景福來從

俎入歌

郊丘廟  
社同

祭本用初祀由功舉駿奔咸會供神有序明酌盈樽豐  
犧實俎幽金既薦績錯惟旅享由明德香非稷黍載流

嘉慶克固鴻緒

皇高祖太原府君神室歌

締基發祥肇源興慶迺仁迺哲克明克令庸宣國圖善  
流人詠開我皇業七百同盛

皇曾祖康王神室歌

皇條俊茂帝系靈長豐功疊軌厚利重光福由善積代  
以德彰嚴恭盡禮永錫無疆

皇祖獻王神室歌

盛才必達丕基增舊涉渭同符遷邠等構弘風邁德義  
高道富神鑒孔昭王猷克懋

皇考太祖武元皇帝神室歌

深仁冥著至道潛敷皇矣太祖耀名天衢翦商隆祚奄  
宅隋區有命既集誕開靈符

飲福酒歌

郊丘廟  
社同用

神道正直祀事有融肅雍備禮莊敬在躬羞燔已具奠  
酌將終降祥惟永受福無窮

送神歌

饗禮具利事成佇旒冕肅簪纓金奏終玉俎撤盡孝敬  
窮嚴絜人祇分哀樂半降景福憑幽贊

燕射歌辭

元會大饗歌十一首

皇夏

皇帝出入殿庭奏  
郊丘廟社並同

深哉皇度粹矣天儀司陞整蹕式道先馳八屯霧擁七  
萃雲披退揚進揖步矩行規句陳乍轉華蓋徐移羽旗

照耀珪組陸離居高念下處安思危照臨有度紀律無虧

肆夏

太子出入

惟熙帝載式固王猷體乾建本是曰孟侯馳道美漢寢  
門稱周德心既廣道業惟優傳保斯尊賢才與遊瑜玉  
發響畫輪停輶皇基方峻七鬯恒休

食舉歌

八曲

燔黍設教禮之始五味相資火為紀平心和德在甘旨



牢羞既陳鍾石俟以斯而御揚盛軌

養身必敬禮食昭時和歲阜庶物饒鹽梅既濟鼎鉉調  
特以膚腊加臄曉威儀濟濟懋皇朝

饗人進羞樂侑作川潛之膾雲飛臠甘酸有宜芬芍藥  
金敦玉豆盛交錯御鼓既聲安以樂

玉食惟后膳必珍芳菰既絜重秬新是能安體又調神  
荆包必至海貢陳用之有節德無垠

嘉羞入饋猶化謚沃土名滋帝臺實陽華之菜雕陵栗

鼎俎芬芳豆邊溢通幽致遠車書一

道高物備食多方山膚既善水豢良桓蒲在位箕業張  
加邊折俎爛成行恩風下濟道化光

禮以安國仁為政具物必陳饗牢盛置罍斤斧順時令  
懷生熙熙皆得性於茲宴喜流嘉慶

皇道四達禮樂成臨朝日舉表時平甘芳既飫醑以清  
揚休玉卮正性情隆我帝載永明明

上壽歌

俗已乂時乂良朝玉帛會衣裳基同止辰久壽共南山  
長黎元鼓腹樂未央

宴羣臣登歌

皇明馭歷仁深海縣載擇良辰式陳高宴顯顯卿士昂  
昂侯甸車旗煜爚衣纓蔥禕樂正展懸司宮飾殿三揖  
稱禮九賓為傳圓鼎臨碑方壺在面鹿鳴成曲嘉魚入  
薦筐篚相輝獻酬交徧飲和飽德恩風長扇

皇后房內歌

隋書樂志曰高祖龍潛時頗好音樂嘗倚琵琶作歌二章名曰地厚天高託言夫婦之儀牛弘修皇命婦入并登歌上壽並用之

至順垂典正內弘風母儀萬國訓範六宮求賢啓化進善宣功家邦載序道業斯融

大射登歌

道謚金科照時又玉條明優賢饗禮洽選德射儀成鑿  
旗鬱雲動寶軼儼天行巾車整三乏司表飾五正鳴球  
響高殿華鐘震廣庭烏號傳昔美淇衛著前名揖讓皆

時傑升降盡朝英附枝觀體定杯水覩心平豐觚既來  
去燔爇復縱橫欣看禮樂盛喜遇黃河清

鼓吹曲辭

凱樂歌辭三首

述帝德

於穆我后睿哲欽明膺天之命載育祥生開元創歷邁  
德垂聲朝宗萬寓祗事百靈煥乎皇道昭哉帝則惠政  
滂流仁風四塞淮海未賓江湖背德運籌必勝濯征斯

克八荒霧卷四表雲褰雄圖盛畧邁後光前寰區已泰  
福祚方延長歌凱樂天子萬年

述諸軍用命

帝德遠覃天維宏布功高雲天聲隆韶濩惟彼海隅未  
從王度皇赫斯怒元戎啓路桓桓猛將赴赴英謨攻如  
燎髮戰似摧枯救茲塗炭克彼一作從妖逋塵清兩越氛

靜三吳鯨鯢已夷封疆載闕班馬蕭蕭歸旌奕奕雲臺  
表効司勳紀績業並山河道固金石

述天下太平

阪泉軒德丹浦堯勲始實以武終乃以文嘉樂聖主大  
哉為君出師命將廓定重氛書軌既并干戈是戢弘風  
設教政成人立禮樂聿興衣裳載緝風雲自美嘉祥爰  
集皇皇聖政穆穆神猷牢籠虞夏度越姬劉日月比耀  
天地同休永清四海長帝九州

舞曲歌辭

文武舞歌二首

欽定四庫全書

古詩記  
卷一百三十九

五

隋書樂志曰隋有文舞武舞各六十四人又依樂記象德擬功初來就位摠千而立思君道之難也發揚蹈厲威而不殘也舞亂皆坐四海咸安也武始而受命再成而定山東三成而平蜀道四成而北狄是通五成而江南是拓六成復綴以闡太平

文舞歌

天睠有屬后德惟明君臨萬寓昭事百靈灌以江漢樹之風聲罄地畢歸窮天皆至六戎仰朔八蠻請吏煙雲獻彩龜龍表異緝和禮樂燮理陰陽功由舞見德以歌彰兩儀同大日月齊光



武舞歌

惟皇御寓惟帝乘乾五材並用七德兼宣平暴夷險拯  
溺救燔九域載安兆庶斯賴續地之厚補天之大聲隆  
有截化覃無外鼓鐘既奮干戚攸陳功高德重政謚化  
淳鴻休永播久而彌新

雜歌謠辭

無名氏

枯樹歌

北史曰王劭隋文帝時為著作郎上表言符命曰  
陳留老子祠有枯栢世傳曰老子將度世云待枯

栢生東南枝迴指當有聖人出吾道復行至齊枯  
栢從下生枝東南上指夜有三童子相與歌云云  
及至尊牧亳州親至祠樹之下自是栢枝回抱其  
枯枝漸指西北道教果行考校衆事太平主出於  
亳州陳留之  
地皆如所言

老子廟前古枯樹東南枝

隋書作狀

如繖聖主從此去

### 長白山歌

北史曰來整榮國公護兒之子也尤驍勇  
善撫御討擊羣賊所向皆捷諸賊歌之

長白山頭百戰場十五五把長鎗不畏官軍十一作

萬衆只怕榮公第六郎

煬帝時并州童謠

北史曰漢王諒反為楊素所敗幽死先是童謠云  
云時偽署官告身皆一紙別投則二紙諒聞謠喜  
曰我幼字阿客量與諒同音  
吾於皇家最小以為應之

一張紙兩張紙客量小兒作天子

大業中童謠

隋書五行志曰煬帝大業中童謠其後李家坐楊  
玄感之逆為吏所拘在路逃叛潛結羣盜自陽城  
山而來襲破洛口倉後復屯兵苑內莫浪語密也  
宇文化及自號許國尋亦破滅誰道許者蓋驚疑  
之辭也

桃李子鴻鵠遠陽山宛轉花林裏莫浪語誰道許

長安謠

北史曰崔弘度隋仁壽中為太府卿性嚴酷官屬百工莫敢欺隱時有屈突蓋為武侯車騎亦嚴刻

長安為之語曰

寧飲三斗醋不見崔弘度寧災三斗艾不逢屈突蓋

樊安定歌

隋書曰樊叔畧陳留人仕周封清鄉縣公隋受禪進爵安定郡公相州刺史政為當時第一百姓為

之語曰

智無窮清鄉公上下正樊安定

崔李歌

隋書曰武城崔儵與頓丘李若俱見稱重時人為之語曰○齊人後入隋

京師灼灼崔儵李若

送別詩

楊柳青青著地垂楊花漫漫攪天飛柳條折盡花飛盡

借問行人歸不歸

崔瓊東虛記云此詩作於大業末年實指煬帝巡遊無度縉紳瘁况已甚

下逮閭閻而佞人曲士播弄威福欺君上以取榮貴上二句盡之又謂民財窮窘至是方有五子之歌之憂而

望其返  
國也

### 挽舟者歌

海山記曰楊帝御龍舟夜半聞  
歌者甚悲帝遣人求之不得

我兒征遠東餓死青山下  
今我挽龍舟又困隋隄道  
方今天下饑路糧無些  
小前去三十程此身安可保  
寒骨枕荒沙幽魂泣煙草  
悲損門內妻望斷吾家老  
安得義勇兒爛此無主屍  
引其孤魂回負其白骨歸

古詩紀卷一百三十九

欽定四庫全書

集部

古詩紀卷一百四十二

詳校官檢討臣德生

侍讀臣孫球覆勘

總校官知縣臣楊懋珩

校對官中書臣李奎

謄錄監生臣唐燦

欽定四庫全書

古詩紀卷一百四十

明 馮惟訥 撰

隋附錄第一

樂府失載名氏

陌上桑

日出秦樓明條垂露尚盈蠶饑心自急開奩妝不成

出塞

候騎出甘泉奔命入居延旗作浮雲影陣如明月弦



王昭君

猗蘭恩寵歇，昭陽幸御稀。  
朝辭漢闕去，夕見胡塵飛。  
寄言秦樓下，因書秋鴈歸。

陽春曲

采芣生前逕，含桃落小園。  
春心自搖蕩，百舌更多言。

項王歌

無復拔山力，誰論蓋世才。  
欲知漢騎滿，但聽楚歌哀。  
悲看騅馬去，泣望艤舟來。

于闐採花

于闐古于闐國居葱嶺北一百餘里漢唐以來皆入貢

山川雖異所草木尚同春亦如溱洧地自有採花人

沐浴子

澡身經蘭泥濯髮儵芳洲折榮聊躑躅攀桂且淹留

澤雉

古今樂錄曰鳳將雛以澤雉送曲

檀場延繡頸朝飛弄綺翼飲啄常自在鷲雄恒不息

夜夜曲

愁人夜獨傷滅燭卧蘭房祗恐多情月旋來照妾牀

舍利佛

金繩界寶地珍木蔭瑤池雲間妙音奏天際法蟲吹

摩多樓子

從戎向邊北遠行醉密親借問陰山候還知塞上人

鷄鳴歌

樂府廣題曰漢有鷄鳴衛士王鷄唱宮外舊儀宮中與臺並不得畜鷄晝漏盡夜漏起中黃門持五夜甲夜畢傳乙乙夜畢傳丙丙夜畢傳丁丁夜畢傳戊戊夜是為五更未明二刻鷄鳴衛士起唱漢書曰高帝圓項羽垓下羽是夜聞漢軍四面皆楚歌應劭曰楚歌者鷄鳴歌也晉太康地記曰後漢

固始劍陽公安細陽四縣衛士唱此曲於闕下歌  
之今鷄鳴歌也然則此歌蓋漢歌也按周禮鷄人  
掌大祭祀夜嘑旦以詔  
百官則所起亦遠矣

東方欲明星爛爛汝南晨鷄登壇喚曲終漏盡嚴具陳  
月沒星稀天下旦千門萬戶遞魚鑰宮中城上飛烏鵲

### 黃門倡歌

漢書禮樂志曰成帝時鄭聲尤其黃門名倡丙疆  
景武之屬富顯於世隋書樂志曰漢樂有黃門鼓  
吹天子宴羣  
臣之所用也

佳人俱絕世握手上春樓點黛方初月縫裙學石榴君

王入朝罷爭競理衣裘

歎疆場

此下三首考樂府前後皆唐人之詩或唐作也

樂苑曰歎疆場宮調曲也

聞道行人至妝梳對鏡臺淚痕猶尚在笑靨自然開

塞姑

昨日盧梅塞口整見諸人鎮守都護三年不歸折盡江

邊楊柳

回紇曲

樂苑曰回紇  
商調曲也

陰山瀚海使難通  
幽閨少婦罷裁縫  
緬想邊庭征戰苦  
誰能對鏡冶愁容  
久戍人將老  
須臾變作白頭翁

第五  
句闕

字二

古詩紀卷一百四十